

Bolaligim — poshsholigim!

FERKATOY®

bolalar jurnali

2018 y. Fevral №2 (79)



ALISHER NAVOIY

NAVOIYNING ORZUSI



Bobomiz Alisher Navoiy hazratlari Samarqandda o'qib yurgan kezlarida Buxoroyi sharifni ziyorat qilishni orzu qilibdilar. Samarqandda to'xtab o'tadigan karvonlarga qo'shilib, bir guruh do'stlari bilan Buxoroga yo'l olibdilar. Karvon yo'l yurib, yo'l yursa ham mo'l yurib, Karmanadan o'tib, «Malik rabot» karvonsaroyiga kelib to'xtabdi. Yo'lovchilar dam olib, tuyalar va otlarini sug'oribdilar. Meshlarni to'ldirib suv olibdilar. Karvonda ketayotgan Navoiy hazratlari yon-atrofidagi cho'l-u sahrolarni kuzatib, o'yga tolibdilar. Malik rabot va Sardobani barpo etganlar ruhiga tilovat qilibdilar. "Qani endi, mening Farhodlarim, Shirinlarim shu bepoyon sahrolarga kelib, shu joylarni obod qilsalar, suv chiqarib, bog'-rog'lar barpo etsalar, imoratlar, yo'llar, masjid madrasalar, shifoxonalar qursalar, sahrolar o'mnida go'zal bir yurt bunyod bo'lsa", - deb orzu qilgan ekanlar Alisher Navoiy. Oradan asrlar o'tib, bobomizning iltijolari, xalqimizning mehnati evaziga bu joylar bog'-rog'ga aylanib, shoir nomiga "Navoiy" deb atalibdi.



QANDAY YAXSHI

*Shermat Yormatov musiqası
Kavsar Turdiyeva she'ri*

Oyimga ham, dadamga ham,
Doim kulib boqaman.
Oyimga ham, dadamga ham,
Shunda juda yoqaman.

Ko'chada o'tganlarga ham,
Salom beraman kulib.
Qani, hamma shunday qilsa,
Yurmasa qovoq uyib.

Odamlar ham bir-biriga,
Faqat kulib qarashsa.
Qanday yaxshi, kimdir-kimga,
Shodligini ularhsa.

Oyimga ham, dadamga ham,
Doim kulib boqaman.
Oyimga ham, dadamga ham,
Shunda juda yoqaman

§ Sho'x, quvnoq

8 O-yim-ga ham, da- dam-ga ham, Do-im ku-lib bo-qä-man. O-yim-ga ham,
da-dam-ga ham, Shun-da ju-da yo - qä-man. Ko'-cha-da o't - gan-lar-ga ham,
15 Sa-lom be - ra - man ku - lib. Qa - ni ham - ma
20 shun-day qil - sa yur - ma - sa qo - voq u - yib. §



790320

AYIQ NIMA DEDI?

Bir kuni ikki do'st o'rmonda ketayotgan ekan, to'satdan oldilaridan bir ayiq chiqib qolibdi va ularga hamla qilibdi. Ulardan biri tezda qochib ketibdi-da, yashirinib olibdi. Ikkinchisi esa qochishga ulgurolmay qolibdi. Shunda yerga yiqilib, o'zini o'likka solib, jimgina yotaveribdi. Ayiq uning yoniga kelib, hamma yerini iskab ko'rgach, o'lik gumon qilib, qaytib ketibdi. Ayiq ketgach, yashiringan do'sti kulimsirab chiqib kelibdi va sherigidan so'rabdi:

— Ey do'stim, ayiq sening qulog'ingga nimalar dedi?


— U menga «xavf-xatar duch kelganda o'z do'stini tashlab ketish — bu eng yomon odat» dedi, —deb javob bergen ekan.



790448

TUFLI-TUFLI

Ushbu qiziqarli o'yinni qishning quyoshli kunlarida bemalol hovlida o'ynashingiz mumkin. Sizlarga o'rgatmoqchi bo'lgan o'yinimizda olti, yetti bola qatnashadi. Avvalo o'yinboshi aniqlab olinadi va u uzoqroqqa borib turadi. Qolgan o'yinchilar esa bir-birlariga biron narsaning nomini aytadilar. O'yinboshi yaqin kelib, ularga savol beradi. Agar bolalarning javobi savolga to'g'ri kelmasa, tuflisini yechib berishi kerak bo'ladi. Oyoq kiyimlar bolalar ko'rmaydigan yerga taxlab qo'yiladi. Hammaning tuflisi yechilgach, o'yinboshi har bir boladan o'n beshgacha bo'lgan sonlardan xohlagan ikkitasini aytishni buyuradi. Aytilgan raqamda turgan tuflilar keltiriladi. Kimning ikki poy tuflisi bir xil bo'lsa, o'sha bola g'olib bo'ladi. Juda qiziq o'yin, shundaymi? Siz ham shu kabi qiziq o'yinlarni bilsangiz, albatta, o'z maktublaringizda yozib yuboring. Birgalikda o'ynaymiz!





KO'HI NUR OLMOSI

Buyuk bobokalonimiz Zahiriddin Muhammad Boburning "Boburnoma" asarida tilga olingan, "dunyodagi eng katta olmos" ya'ni ko'hi nur olmosi, uzoq yillar davomida boburiy hukmdorlar tasarrufida bo'lgan. Ko'hi nur degani, "tog'ning nuri" ma'nosini anglatuvchi toshdir. Agar qaysi hukmdor unga ega bo'lsa, bu javohir kuch-qudratining ramzi hisoblangan. Toshning og'irligi 191.10 karat bo'lgan. Karat bu— zargarlik ishlarida qimmatbaho toshlar va durlarning massalarini aniqlaydigan o'Ichov birligidir. Mirzo Bobur ushbu olmosning bahosini keltirganda, dunyo aholisini ikki yarim kun boqish qiymatiga ega deb ta'riflagan. Hind afsonalariga ko'ra bu tosh ham o'z egasini tanlar ekan. Unga ega chiqqan kishi yo qudratli bo'ladi yoki xonavayron. Ko'hi nur olmosi boburiy shahzodalarga kuch-qudrat olib kelgan. Uni Humoyunga Ibrohim Lo'di xonadoni vakillari shahzodadan shafqat ko'rgani bois sovg'a qilishgan. Inglizlar bosqinidan keyin Ist-Indiya kompaniyasi uni qirolichcha Viktoriyaga sovg'a qiladi. Ushbu tosh so'nggi 150 yildan buyon Britaniyada saqlanadi. U dunyodagi eng qimmat bosh kiyim bo'l mish Qirolichcha Elizabeth tojining markaziga o'rnatilgan. Ko'hi nur olmosi, tojdagi 2.800 nafar qimmatbaho toshlarning eng kattasidir.

Internet materiallari asosida Lola tayyorladi.


QO'ZICHOQMI yoki KUCHUK?



Qiziqqon do'stim! Suratdagi shiringina hayvoncha nimaga o'xshaydi? Ko'proq qo'zichoqni eslatadi-a? Yoki o'yinchoqmikin? Yo'q, bu – noyob zotli itning rasmi. Bu kuchukcha "Bedlington-tiller" nomli zotga tegishli bo'lib, itlarning bu nasli juda noyob hisoblanadi.

KARAKAL NIMA?

Yana bir noyob hayvon bu – "Karakal" zotiga mansub mushukdir. Uning quloqlariga qarang, ajoyib tuklari o'ziga xos ko'rindi. Bu yovvoyi mushuk ko'proq cho'l va dashtlarda yashaydi. Lekin inson qo'liga tezda o'rganadi. Avvallari ovchilar bu ajoyib mushukni qo'lga o'rgatib, u yordamida qushlarni ovlashgan. Karakal mushugini Afrika, O'rta Osiyo, Hindiston, Turkmaniston va vatanimiz O'zbekistonning cho'llarida ham uchratishingiz mumkin.



JINGALAKSOCH

Dunyodagi eng go'zal jonzot — Buyuk Fridrix nomli ot hisoblanar ekan. Uning uzun va jingalak sochlari barchani o'ziga jaib etadi. Ismi esa qadimgi Prussiya qiroli nomiga qo'yilgan. "Jingalaksoch" "Friski" nomli zotga tegishli bo'lib, "Friski" so'zi Nederlandiyaning Frislandiya atalmish qishloq nomidan olingan ekan.

"Hayvanot olami" kitobidan tarjima qilindi.

Yosh champion

OLTI YOSHLI CHAMPION

Aziz bolajonlar! Bilasizki, yurtimizda sportni ommalashtirish, ayniqsa siz yosh avlod sportini rivojlantirishga alohida e'tibor qaratilmoqda. Tengdoshlaringiz orasida ham sportning bir qancha turlari bilan shug'ullanib, katta yutuqlarga erishayotganlarning safi kengayib bormoqda.



Mana shunday yosh championlardan biri, olti yoshli Muhammad Mustafoyevdir. Muhammadning dadasi uni to'rt yoshida poytaxtimizdagи "JAR" sport saroyiga olib bordi. Hozirda u mahoratli murabbiylar, Ubaydulla Mukarramov va Hasan Rahimboyevlar rahbarligida sportning taekvando yo'nalishi bo'yicha saboq olib kelmoqda.

Quvonarlisi shundaki, hali matabga ham bormagan bolakay bir qancha oltin medallar shodasi sohibi bo'lishga ulgurgan. Yaqindagina Samarqand shahrida bo'lib o'tgan taekvando bo'yicha musobaqada faxrli birinchi o'rinni olib, O'zbekiston kubogi sohibi bo'ldi. O'zbekiston championi Muhammad kelgusida olimpiada championi bo'lib, Vatanimiz bayrog'ini yuksaklarga ko'tarishni maqsad qilgan.



Shahnoza suhbatlashdi

Boshqotirma



Quyidagi kasb egalarining
ish qurollarini toping.



YURT BOSHIMGA TASHAKKUR

Tinchlik yo'li barqaror,
Yomonlikdan qilar or,
Bayrog'i-yu, gerbi bor
Yurtboshimga tashakkur.

Ezgu zikr, ezgu o'y,
Ezma gapni bugun qo'y.
Osmonlarga cho'zgin bo'y.
Yurtboshimga tashakkur.

Katta-katta binolar,
Yetishgaydir donolar,
O'qib olim bo'lganlar.
Yurtboshimga tashakkur.

*Maftuna Tog'ayeva,
Samarqand viloyati,
Paxtachi tumani.*



ONAJONIM

Onajonim-onajon,
Menga eng aziz inson.
Doim yopar shirmoy—non.
Onam menga mehribon.

Mening mehrga konim,
Eng aziz onajonim.
Mehribonim jona-jonim,
Siz quvonchim hayajonim.

*Sanjar Eshniyozov,
Samarqand viloyati,
Kattaqo'rg'on tumani,
23-maktab o'quvchisi.*

WHERE DOES IT BELONG?

My name is Erkatoy



frog



tree



water



fire tree



mountain




pillow



picture



charger



wall



mobile phone




desert



dinner room



bedroom



door



TV set

O'xshadimi?



Shahzoda Tog'ayeva,
Samarqand viloyati,
43-maktab o'quvchisi.



Tohirjon Nig'matov,
Toshkent shahri, Uchtepa tumani,
203- maktab o'quvchisi.



Go'zaloy Tursunboyeva,
Qoraqalpog'iston Respublikasi,
Amudaryo tumani, 40- maktab o'quvchisi.



Dilbar Suyunova,
Samarqand viloyati,
43-maktab o'quvchisi



Diyorbek Ashurqulov,
Samarqand viloyati, Marg'ilon ko'cha.



Maftuna Tog'ayeva,
Samarqand viloyati, Paxtachi tumani,
43- maktab o'quvchisi

Здравствуй, друг!

Заполни свободные клеточки цифрами 1, 2, 3, 4
так, чтобы в каждой строчке и в каждом столбике
цифра встречалась только один раз.

			3
4			
	1	3	
3		2	


4	2		
1			
	1	2	
			3


2	1		
3	2		
		4	
1			

1		3	4
		3	
2			
			1




O'zing bo'на





791567

Ushbu rasmning rangli qismlarini yelim-qog'ozdan kesib, o'z o'rniiga yopishtiring.



ERKATOY

Biz birligida bir oylamiz!

Ma'naviy-ma'nifiy, adabiy-badiy nashr
Muassisasi: "Maltbuot info media servisi" MChJ
Bosh muhamir: Nodir Yusupov
Rassom: Hiliola Jo'rabyeva
Sahifalovchisi: Andrey Paxunov

Tahriri manzilli: 100011, Toshkent shahri, A.Navoiy ko'chasi, 16^{-uy}, 514^{-xona}. Tel: 0(371) 241-03-35, (593) 574-81-61

Tahrir hay'ati:
Iqbol Mirzo (hay'at raisi)
Sherman Yormatov
Bahodir Sharofov
Vohid Luqmon
Orif To'xtash
Nodir Jonuzog

Jurnal 03.12.2013 y. O'zbekiston Matbuot va axborot agentligidagi 0832 raqamli guvohnoma olgan.

"Sano Standart" MChJ bosmaxonasida chop etildi.
Manzil: Toshkent sh. Olmazor tumani Shiroq ko'chasi 100-uy

Buyurtma raqami -
Bichimi - 70/100 1/16 Nusxasi - 10 000

Jurnal "Erkatoj" tahriri yati
kompyuterlarda sahitlandi.
loyiha muallifi: Nodir Yusupov

RASMLARDAGI 7 TA FARQNI TOPING



ISSN 2181-7456



JURNALLARIMIZGA OBUNA
BO'LISHNI UNUTMANG!

O'ZBEKCHA

OBUNA INDEKSI:

882

INGLIZCHA

OBUNA INDEKSI:

967